

# L'or d'la bome

Autor(en): **Léchet, Alfred / Léchet, Pierre**

Objektyp: **Article**

Zeitschrift: **Actes de la Société jurassienne d'émulation**

Band (Jahr): **56 (1952)**

PDF erstellt am: **21.07.2024**

Persistenter Link: <https://doi.org/10.5169/seals-684792>

## **Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

# L'or d'la bome

È y a dè dgeo qu'èyirin v'nî d'l'aoutre rive di lâ (1) por d'mourâ, dèfritchîe è cultivâ lè terres di p'ti vallon que s'treuyive i pîe di Chasseral. Prèye di ru, d'vèr bige d'la colline di Cheu, (2) adon è z'acmossirin d'fâre quèque mageon. Le vladge, o s'ètodan, peurnièye la forme d'onne crou, dont l'mito s'appalâ le Car. (3) Nyin n'avèye incore mûsâ à badyîe in nom i vladge. C'èyir onne si groousse affaire qu'on dècidâ d'attodre por tchoisie.

C'tu bonto-li, è fazèye incore frèye. La nèye ne vodièye pas partie. L'euyivèr avèye durâ londge'mo. Lè z'ooudgèye n'trovavin pieu ro à m'dgîe, è v'nièyivin djuque dè lè grandge por s'mettre o l'abri di moouvâ to. On s'd'manda ce que d'vièivin lè bèyite dè lè forêts, c'mo lè dyivre, lè chevreuils, lè pou soouvadge. Lè loups, lè r'nâ s'apeurtchivin achbin djuque vers lè mageon ; lè tâchon mèyime n'èyirin pieu to èpantâ. El avèye fadyiu qu'lè z'hommes fassent la tcheusse è bèyite soouvadge que v'nièyivin prère lè djneudye, djuque lè tchin dè lour cadge. On avèye tuâ dè loups, dè sangli, dè tâchon, dè r'nâ, mèyime dè z'or.

C'que tormotâ lè dgeo, c'èyir d'savèye que djust'mo è y avèye li tchu, quasi osson lè Rotche, (4) in groou or qu'on digèye, quan èl èyir piantâ chu sè pîe drèye, èl avèye onne ooutou de trèye mètres è fazèye pèyiu o tcheuyiquin quan è v'nièye djuque dè lè tchan prère dè tchivre è dè bèrbi. Maougrâ la nèye de ç't'euyivèr, ro n'l'ampètchiè de v'nî rooudâ di tor di vladge.

Mit'nan que l'bonto èyir li, è fadièye cru c'mo on pourèye v'nî à bout de l'dètrure. Lè tchan otre le ru è lè rotche n'èyirin pas c'mo okèye. So n'èyir pas to dèfritchîe è y avèye incore dè booutcha, dè groousse pîr, dè z'èpèrèyie. To so n'èyir pas c'moude por se dèfodre contre l'or, sè l'èyir eurvni di to qu'on travadyîe.

Adon, o musan o tote ç't'affaire, quatre dgeoouveunne dgeo, coradgeou, dècidavin d'allâ attaquâ è tuâ l'or dè sa cavroule. C'èyir quatre frare qu'on n'c'nioouchèye qu'lè surnom qu'lour pèyire y avèye badyîe in vèyipre d'euyivèr, adon què l'èyirin chu lour fornè. El avèye dèye o ravisan sè boube : « No z'an sè bèye grâ r'nâ drèye nooute fornè », dju d'mo qu'fazèye c'niooutre lè surnom dè quatre : le Sè, le Bèye, le Grâ, le R'nâ. (5)

C't'èci prèyidgirin d'lour idèye d'allâ tuâ l'or à Dgean-Pir di Car, in dgeoouveunne homme d'lour âdge, o l'invitan à allâ avouy lou. C't'uci fut vite dècidâ.